



spanica, germanica, anglica, arabica) lecta est, et a secretario generali iterum enuntiata.

Card. Ruffini, de licentia praesidis, explicavit « interruptionem » significare remissionem schematis ad commissionem ut reficeretur. Secretarius generalis explicavit valorem suffragii *placet* et *non placet*.

Interim continuata est disceptatio. Ad loquendum vocatus est P. D. Antonius Quarracino, ep. S. Dominici Novem Iulii, qui non aderat, ideoque locutus est P. D. Geraldus de Proença Sigaud, arch. Adamantinus.

Dein praeses iterum sensum propositionis explicavit et ad loquendum de schemate in genere ex ordine vocavit P. D. Antonium Quarracino (qui interdum ad suum locum redierat), Aloisium Carli, ep. Signinum, Victorium M. Costantini, ep. Suessanum, P. Anicetum Fernandez, magistrum generalem O. P., Iulium Barbeta, ep. tit. Pharanitanum, Ioannem Ferro, arch. Rheginensem, Franciscum Franić, ep. Spalantensem et Macarscensem.

Iuri loquendi renuntiavit Eduardus Doody, ep. Armidalensis.

Hora 11,55 secretarius generalis ex ambone admonuit exitum suffragationis die subsequenti communicatum iri, et novum schema discutiendum — quidem feria VI proxima, si iuxta suffragationis exitum schema esset mutandum — fore illud *de instrumentis communicationis socialis*.

Deinde Patrum nomina legit, qui de cap. 1 schematis *de fontibus revelationis* loqui postulaverant.

Ex ordine ad loquendum vocati sunt: cardd. Eugenius Tisserant, ep. Ostiensis, Portuensis et S. Rufinae, Ernestus Ruffini, arch. Panormitanus, Vincentius Jacono, ep. tit. Patarenensis.

Hora 12,20 secretarius generalis, de mandato praesidis, suffragationis peractae exitum nuntiavit. Cum suffragium *placet* non attigisset maioritatem requisitam (duas ex tribus partes), de mandato praesidis continuanda erat discussio *de fontibus revelationis*.

Reposito S. Evangelii codice, praeses preces *Angelus... Agimus...* recitavit et secretarius generalis intimavit proximam congregationem generalem die 21 novembris habendam.

XXIV

Congregatio generalis vicesima quarta habita est die 21 novembris, feria IV, hora 9 matutina. Interfuerunt 2186 Patres, nempe 66 cardinales, 7 patriarchae, 9 primates, 393 archiepiscopi, 1606 episcopi, 10 abbates nullius, 11 praelati nullius, 84 superiores generales.

Missa celebrata est ritu Byzantino-Ucraino a P. D. Gabriele Bukatko,



arch. tit. Mocisseno, coad. c.i.s. Belogradensi, adm. ap. Crisiensi, con-celebrantibus duobus sacerdotibus et ministrante diacono. Alumni Pon-tificii Collegii Ucraini S. Iosaphat exsecuti sunt cantus. Patribus antea distributum fuerat opusculum cui titulus: *La S. Liturgia di S. Giovanni Crisostomo*.

Post Missam idem P. D. Bukatko S. Evangelii codicem super para-tum thronum statuit.

Secretarius generalis intimavit: *Exeant omnes*, et card. Ernestus Ruffini, arch. Panormitanus, qui primi praesidis munere fungebatur, pre-cem *Adsumus...* recitavit.

Secretarius generalis nomen praesidis congregationis annuntiavit et, de mandato cardinalis a publicis Ecclesiae negotiis, legit nuntium de instituta a Summo Pontifice commissione mixta, ex membris nempe commissionis theologicae et secretariatus pro unione christianorum, ad emendandum schema *de fontibus revelationis*.

Secretarius generalis subiunxit disceptationem de cap. I schematis *de fontibus revelationis* illa die prosequi, et feria VI disceptationem de cap. I schematis *de instrumentis communicationis socialis* inceptum iri.

Dein legit nomina Patrum, qui loqui postulaverant circa cap. I. A praeside ex ordine ad loquendum vocati sunt Aemilius Guano, ep. Li-burnensis, Eduardus Martinez, ep. Zamorensis, P. Christophorus Butler, superior generalis Congreg. Anglicae O.S.B., Vitus Chang Tao-Huan, ep. tit. Cyanitanus, Maximus Hermaniuk, arch. Vinnipegensis Ucrainorum, Ioannes Rupp, ep. Monoecensis, Franciscus Marty, arch. Remensis, Aloisius Henriquez Jimenez, ep. tit. Lamdiensis, aux. Caracensis, Pe-trus Cantero Cuadrado, ep. Huelvensis, Franciscus Šeper, arch. Zagra-biense, Petrus Veuillot, arch. tit. Constantiensis in Thracia, coad. Pari-siensis, Laurentius Jäger, arch. Paderbornensis, Eduardus Boody, ep. Ar-midalensis, Attilius Barneschi, ep. Manziniensis, Carolus Wojtyła, ep. tit. Ombitanus, vic. cap. Cracoviensis, Ubaldus Cibrián Fernández, ep. tit. Bidensis, prael. null. Corocorensis.

Iuri loquendi renuntiarunt Ioseph D'Avack, arch. Camerinensis, Blasius Musto, ep. Aquinatensis, Soranus et Pontiscurvi, Raphaël Gonzá-lez Moralejo, ep. tit. Dardanius, aux. Valentinus, Marcus McGrath, ep. tit. Caeciritanus, aux. Panamensis.

Hora 12 praeses admonuit claudí disceptationem super schema *de fon-tibus revelationis*, cum omnes locuti essent.

Reposito S. Evangelii codice, praeses preces *Angelus... Agimus...* re-citavit, et secretarius generalis proximam congregationem generalem die 23 novembris habendam intimavit.